

28. april 2014

UPA 2014/154
Evelyn Frederiksen

Naalakkersuinikkut arlaannaannulluunniit attuumassuteqanngitsunik siunnersuisoqatigiinnik pilersitsisinnaaneq pillugu UKA2014-imut nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunnersuisoqatigiit aatsitassarsiornermi aningaasaliisartut sanngisuussusiat aningaasaliisussarsiornermullu pilersaarutaat pillugit inassuteqaasiortassapput, pilersaarutit aalajangersimasut sanngisuussusiat pillugu paasissutissiisassallutik kiisalu aatsitassarsiornermi pilersaarutit ataasiakkaat siunissaq ungasinnerusiq eqqarsaatigalugu piujuartitsineq tunngavigalugu inuiaqatigiinni ineriartortitsinermik nassataqarnissaat siuarsaaqataaffigissallugu. Tamanna pillugu siunnersuisoqatigiit Naalakkersuisunut innuttaasunullu inassuteqaasiortassapput. Siunnersuisoqatigiit katitigaanerat, akissarsiaat pisinnaatitaanerilu pillugit ilutsit periarfissaasinnaasut nassuiaammi ilanngullugit nalilersorneqassapput.

(Inatsisartunut ilaasortat Naaja H. Nathanielsen aamma Sara Olsvig, Inuit Ataqtigiit)

Siumup anguniarpaa aatsitassarsiornermi ingerlatsinerit tamarmik avatangiiseq, peqqisuseq, pinngortitaq, pisuussutillu uumassusillit mianeralugit ingerlanneqassasut.

2010-mi aatsitassarsiornermik suliassaqarfik kalaallit nunatta akisussaaffik tigummagu nalorninaatsumik aammalu inatsisikkut erseqqissumikinuiaqatigiittut piumasaqaateqarnerput aatsitassarsiornermik ingerlatsisunut.

Inatsisikkut sinaakkutit naalakkersuisunut periarfissiisutigaagut sukangasumik erseqqissumik aatsitassarsiorniartunut piumasaqaateqarluta tamannalu Siumumiit iluarisi-maaratsigu oqaatigissavarput, taamaaliornikkut inuiaqatigiit soqutigisaat minnerpaamik qulakkeerneqassassasut angusinnaaleratsigu inatsisikkut.

Siunnersuutigineqarpoq siunnersuisoqatigiinnik arlaannaannulluunniit attuumassuteqanngitsunik naalakkersuisut pilersitsinissamut nassuiaasiussasut Siumumiit isumaqarpugut inatsisitigut sinaakkutit ullumikkut atuuttut naamattumik qulakkeerisuusut siunnersuisoqatigiinnik pilersitsigikkaluarluni, taamaattumillu pilersitsisinnaaneq pillugu nassuiaasioqqullugit naalakkersuisut peqquneqarnissaannik siunnersuut Siumumiit taamatut oqaaseqarluta akuersaangilarput.